
■ PER LA DUMENGIA

U che ti – ni che ti

DA ANTHONY DE MELLO,
TRANSLATÀ EN RG

Ina dumengia damaun è Dieu i cun sontg Pieder a giuvar golf. Al lieu da partenza ha Dieu dà l'emprima battida davent dal lieu da partenza. El ha dà in culp enorm ed ha tramess ina frida entochen en il toc che sa numna «rauh» gist sper il trajet da cursa, il «Fairway». La balla n'aveva anc betg tutgà dal tut la terra ch'in cunigl è sigli or da las tgaglias ed ha piglià giu la balla en sia bucca. Immediatamain ès el curri dal trajet da la cursa da golf giu. Qua vegn anetgamain ina evla, quella piglia il cunigl cun sias griffas. Cun sia preda en las griffas è l'evla sgulada sur il «green» ora. In um cun ina buis ha prì en il visier l'evla ed ha sajettà quella gist durant il sgol. L'evla ha laschè crudar il cunigl. Quel è crudà en il «green» e la balla da golf è rullada da la bucca dal cunigl directamain en la rusna dal «green».

Qua è sontg Pieder sa vulvì vilà vers Dieu ed ha ditg: «Tge vul quai dir? U che ti giovas a golf ni che ti fas tuppaddads!»

E co statti cun tai?

Vul ti emprendre a chapir il gieu da la vita ni vul ti sfarlattar il temp cun miraculs?»